

Mohd Amirul Kasyful Nur bin Zulkifli

From: UUM CORPORATE COMM.
Sent: 23 Jun 2021 10:34
To: UUM - All Staff; UUM - All Students
Subject: Pemimpin Pelajar Gesa Sama-Sama Perangi Covid-19



UUM Corporate Comm.
Universiti Utara Malaysia

23 JUN 2021 / 13 ZULKAEDAH 1442H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: H. Rasidah H. Rodzi
Gambar oleh: UUM SELECT dan Shamsaimi Ezil

PEMIMPIN PELAJAR GESA SAMA-SAMA PERANGI COVID-19



UUM ONLINE: Masyarakat di seluruh dunia terus bergelut memerangi wabak Covid-19 tanpa mengira latar belakang sama ada tua, muda, individu berkerjaya mahupun yang bergelar pelajar bersama-sama berusaha memerangi pandemik tersebut.

Begitu juga pemimpin pelajar di Universiti Utara Malaysia (UUM) yang menggesa semua pihak khususnya golongan muda atau pelajar untuk terus perangi Covid-19.

Presiden ENACTUS, Wong Tung Khuen mengingatkan rakan-rakan di mana juga berada supaya bertenang, tidak perlu panik serta sentiasa patuh arahan yang dikeluarkan Majlis Keselamatan Negara (MKN), Kementerian Kesihatan Malaysia (KKM) dan juga universiti dalam usaha mengekang penularan wabak itu.

"Melihat keadaan negara sekarang, saya berharap semoga jumlah kes-kes Covid-19 akan menurun dalam masa yang terdekat agar kita dapat kembali menjalani kehidupan harian seperti sebelum ini, namun masih dalam keadaan berjaga-jaga.

"Rakan-rakan yang sedang belajar secara atas talian serta berada di dalam kampus, marilah kita bersama-sama mencegah wabak Covid-19 dengan mengamalkan penjarakan fizikal, sentiasa memakai pelitup muka ketika berada di luar, kerap membasuh tangan dengan *hand sanitizer* dan jangan lupa mendaftar untuk mendapatkan suntikan vaksin," katanya.

Sementara itu, Presiden Jawatankuasa Pembangunan Siswa (JKPS) Inapan Siswa MAS/TNB (MalTen), Muhammad Saniy Samsudin mengingatkan semua pelajar UUM untuk terus kekal berada di rumah sekiranya tiada keperluan untuk keluar serta mematuhi prosedur operasi standard (SOP).

"Memandangkan penularan wabak Covid-19 kini terus meningkat, saya merayu semua pelajar Institusi Pendidikan Tinggi (IPT) dan seluruh penduduk Malaysia membuat sekatan pergerakan sendiri atau '*self-lockdown*'.

"Pertambahan kes keseluruhan jangkitan yang direkodkan di Malaysia bukan sahaja menakutkan kita semua, malah memberi kesan kepada sektor pendidikan, ekonomi, politik, pelancongan dan sektor lain," katanya yang juga ahli UUM SELECT.

Muhammad Saniy berkata, sebagai pelajar IPT dan juga pemimpin pelajar, dia berharap pelajar UUM akan terus cekal dan tidak menjadikan Covid-19 sebagai penghalang untuk meraih kejayaan atau melibatkan diri dalam aktiviti baik di peringkat universiti, daerah, negeri mahupun negara.

Lindung diri, lindung semua. Sayang diri dan keluarga. Ayuh! Perangi Covid-19 bersama- sama.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.